



Шочмо эл, порылык да чын верч!

Будь готов /

50-ше (3646) №,
2023 ий 15 декабрь,
кугарня.

Ямде лий



0+

1933 ий 1 февраль годсек лектеш.

Усталыктым вианьда



А.ТИЮВЫН фотожо.

«Рвезе йүк» конкурсым эртараш полшымыжлан «Ший памаш» сылнымут фондым вуйлатыше В.Красновлан кугу таум ойлена.



И.РЕЧКИНЫН фотожо.

Самырык тукымым шочмо йылмым аклаш, шинчымашым келгемдаш, сылнымут деке шўмандаш кумыландыме шонымаш дене «Рвезе йүк» республикеш конкурс ий еда эртаралтеш. Марий Элын калык писательже В.А.Абукаев-Эмгак лўмеш «Ший памаш» поро кумылым ончыктыммо сылнымут фонд (вуйлатыше – писатель В.В.Краснов) ты конкурсым илышыш шынгараш кугун полша. «Ямде лий» газет дене пенгыде кылым кучышо ўдыр-рвезевлак танасымашке чолган ушнат. Лач икте кумылым волта: мыскарам возышопшамыч уке улыт. Сандене

Шулдыр Васлий лўмеш премий пуалтде кодеш. Марий Эл деч ордыжтў марий-влакын тўшкан илыме кундемлаштат юнкор паша начаррак вианеш. Тидын шотышто «Ямде лий» газет редакций ончыкыжым утларак кыртмен пашам ыштышаш.

«Рвезе йүк» конкурсым Марий тиште кече пайрем годым М.Шкетан лўмеш Марий национальный драме театрыште иктешленна. Йоча газетын икымше редакторжо **З.Е.Яковлева** лўмеш премий дене **Родион Небогатиков (У Торъял, Токтарсола)** палемдалтын. **Волжский район Кугу Корамас** школышто тунемше

Анастасия Михайлова поэзийыште ойыртемаалтын: **Антонов Ивук** лўмеш премий дене суапландаралтын. **Морко район Арын школын «Сескем» кружокшо (вуйлатыше – О.А.Васильева)** **В.Исеноков** лўмеш премийым сенен налын. Сенгыше-влакым снимкылаште ужыда. **«Почётан юнкор»** лўм дене поро йолташна, **Кужэгер район Ёштымбал гыч туныктышо-ветеран Н.А.Золотарёв** палемдалтын.

У ий тек у сенгымашым конда да юнкор-влак радамым у лўм дене пойдара!

Л.ГРИГОРЬЕВА.



Черетан сенымаш дене!



Фотом школ архив гыч налме.

Озан олаште «Этномирада» тўвыра да калык усталык тўнямбал конкурс-фестиваль латикымше гана эртаралтын. Тудо кумда Российын тўрлө регионжо да одалаже, пошкудо элла гыч тунемше ден студент-влакым иквереш ушен. Самырык тукым мурымо, куштым, семўзгар дене шоктым, шочмо кундемын поян фольклоржым ончык-

тым мастарлыкшым терген. Марий Эл гыч Йошкар-Оласе Бауман лицей пеленысе «Лира» йоча сымктыш школын «Узоры» мурышо да куштышо йоча образцовый ансамбльжын изирак ийготан группыжо усталыкшым ончыктен да Гран-прим сегоен налын (снимкыште). Тыгай сенымашке шумаште туныктышо, ача-ава-влакын надырышт моткоч кугу.

Л.НИКОЛАЕВА ямдылен.

Историйым шергалына

1788 ий 17 декабрьыште князь Григорий Александрович Потемкиннын вуйлатыме руш войска Очаков турко орым сегоен налын.

Икымше туныктышем

Мый кокымшо классыште тунемам. Туныктышем – Ирина Геннадьевна Кириллова. Тудо мемнам лудаш, возаш, шотлаш, келшен, вашла полшен илаш туныкта, кажне кечын ум пален налаш кумыланд. Ме тудым йоратена да пагалена.

Ксения ВАСИЛЬЕВА.

2-шо номеран Морко школ.



Фотом школ архив гыч налме.

Салтаклан – кинде

Школьштына «Хлеб – солдатам» акций эртаралтын. Ме, 3-шо классыште тунемше-влак (снимкыште), тиде поро пашаш уло кумылын ушненна. Киндым пўчкеден, коштен, сукарам ямдыленна. Салтак-влаклан кугу саламым да костенечым колтенна. Пашана кугу огыл гынат, кўлешан манын шонена.

Анастасия ЯМБЛАТОВА.

Советский, Солнечный.

Российысе увер

Йоча ден кугыен-влак Йўштö Кугызалан серышым возен кертыт. Пашам 109472, Москва, Кузьминский лес, Волгоградский проспект, вл.168д адрес дене колтыман. Тўрыс увер – dedmorozmos.ru сайтыште.

1-11-ше класслаште тунемше-шамыч, «Ёлке Быть!» всероссийский у ий модыш конкурсешко ушныза. Темыже – «Бестиарий Оружейной палаты». Пашадам моторын войзен да тудын дене изирак эссеште палдарен, kreml_musped@outlook.com адрес дене почтыш 7 январь марте колтыза.

Сочиненийым возаш йоратена? Тугеже «Класс!» всероссийский сылнымут конкурс – тыланда. Темлыме темыла гыч келшыным ойырен, 29 январь марте колтыман. Тўрыс увер – konkurs-klass.ru сайтыште.

Марий Элысе увер

Марий Эл Республикым Вуйлатыше Ю.В.Зайцевын темлымашыж почеш 9 декабрь гыч 2024 ий 25 февраль марте «Марий теле» фестиваль эртаралтеш. Кажне кугарнян, шуматкечын да рушарнян мероприятийлам эртарап палемдыме.

21 декабрьыште Республикысе курчак театрыште «У ий йомак» пайрем лиеш. Тушко республикысе тўрлө школ гыч марий шўлышан, конкурслаште ятыр гана сенгыше ўдыр-рвезе-влак погынат.

15 декабрьыште Йошкар-Олаште «Тўвыраште у» регион-влак кокласе форум «Культура Марий Эл: вектор изменений» девиз дене эртаралтеш. Тўвыраште, сымктышыште, СМИ-ште да моло аланыште пашам ыштыше, студент ден тунемше-влак тўрлө йодышым кагачат.

Тиште кече иквереш чумырен

Марий калыкын ик эн йоратыме пайремже, Марий тиште кече, Йошкар-Олаште ик шўлыш дене эртаралтын. 10 декабрьште М.Шкетан лўмеш Марий национальный драме театрыште илыш кече мучко шолын. Книга, сўрет, тоштер арвер-шамыч, кидпаша ончер, этноурок, сылнымут да сылнысем шагат, регион-влак кокласе уш-акыл марафон, тўрлў мастер-класс-шамыч да молат лийынит.

«Ямде лий» газет редакций Морко район Арын школ да Марий образований институт дене пырля эртарыме «Сергей Григорьевич Чавайным моктен мура Марий кундем!» конкурсшым иктешлен. «Сылнымут» танасыште 1-4-ше класслаште тунемше-влак коклаште К.Лебедев (У Торъял, Немда) сенгышыш лектын, 5-9-ше классла коклаште – Д.Тойбахтина (У Торъял, Тошто Торъял), 10-11-ше классла коклаште – А.Иванов


(Морко, Нуж-Ключ).

«С.Г.Чавайнын произведенийлаж почеш сўрет» танасыште 1-4-ше класслаште тунемше-шамыч коклаште В.Неведицына (Йошкар-Оласе 9-ше номеран школ), И.Королёв (Медведево гимназий), Е.Анисимова (Параньга, Олор) ойыртемаптыныт. 5-8-ше класслаште шинчымашым погышо-влак коклаште эн сылнын сўретлыше семын А.Николаевам (Морко, Унчо), А.Ревелевам (Кужангер

Ты кечын «Ямде лий» газетын корреспондентше Х.Александрован

(**снимкыште**) «Чонемын шолып семже» у почеламут сборникшын презентацийже лийын.

Христина тыгак «Марла чын возена» тўшка диктантыште кокымшо верым сенген налын. Шокшын саламлена!



школ), А.Аклинам (Йошкар-Оласе 19-ше номеран школ) палемденыт. 9-11-ше класслаште тунемше-влак коклаште А.Миклеева (Йошкар-Оласе 14-ше гимназий) сенгышыш лектын. Туныктышо-шамычат серызын илыш корныжо да усталык пашаж почеш дидактический материалым ямдыленыт. Шернур район Кукнур школышто тўналтыш класслам туныктышо Т.А.Конакова ты танасыште чылаштым ончылтен. Сенгыше-влакым саламлена да ончыкыжымат марий йылмым йораташ да сылнымут дене пенгыде кылым кучаш тыланена.

Х.АЛЕКСАНДРОВА.



Снимкыште: Ю.Ибраева (Кужангер, Топкавлак), Г.Зайцев (Марий Турек, Хлебниково), А.Зайцева (Звенигово школ-интернат), Д.Тойбахтина (У Торъял, Тошто Торъял).

Тўн законлан - кумло ий

12 декабрьште Россий Федерацийын Конституцийжын кечыжым ий еда пайремлена. Тидын нерген школыштынат ятыр гана мутланена. «Конституций мотыгай?» манын йодыт гын, вигак вашештен кертам. Кугыжанышын тўн законжо, тудын юридический вийже эн кугу. Кўлешан книга мўнгыштынат уло. Законным палыде илаш куштылго огыл, садлан Конституцийым икмыняр гана шергалынам. Тений тудлан кумло ий темын. Шинчымашемым тўрлў тест полшымо дене тергаш шонем.

Алина СУББОТИНА.

2-шо номеран Морко школ.



Школыштына тўналтыш класс-влакын арняштым эртарышна. «Тыйын прават» урок-модышым библиотекарь М.Н.Казанцева онайын вўдыш. Математике дене КВН-ыш 3-4-ше класслаште тунемше-шамыч ушнышт. Телылан мемнан дене илаш кодшо кайык-влаклан пўлеклалтше пайрем годым 1-2-шо класслаште тунемше-шамыч почеламутым лудыч, сценкым модын ончыктышт. Ача-ава-влак дене пырля кормушкым ыштен ямдыленыт (**снимкыште**). Йочашамыч корнышто коштмо правиллам викторине-модышышто ушештарышт. Арня пайдале да лектышан лие.

Шернур, Мустай.

Г.МЕДВЕДЕВА.



тукым улына Кечым сүретлем

Налым карандаш орам,
Кандым, нарынчым, чалкам...
Йырым-йыр тўня онай.

– Мом сүретлышаш, авай?

– А сүретле тый кавам,
Кандым, келгым, йытырам,
Тек ал чинчыжым шава
Эркин нөлтшө ўжара.

– А каласе-ян, авай,
Кўлеш кече вет каваш?
– Уло гын яндар кава,
Кечыжат – тудлан ава.

– Лийже кече тек чонан,
Пылышан, неран, умшан.
Мемнанлак тудат йоча,
Кечыгут шымлен онча.

А вот пыл ок кўл йөршеш,
Ўмыл ынже воч кечеш.
Авай, ончо сүретем,
Ну, келша мо пөлкем?

Мыланем ала-молан
Коктын чучыт йолташла:
Кече пўялеш шинчам,
Ўдыр рўзалта парням.

Н.ЗОЛОТАРЁВ.

Кужэгер, Ўштымбал.

«С» буква дене

Серыш

Сима салтаклан серышым
серен. Серышын сынже сөрал.

– Сай салам, Славик.
Серышым серем. Сурт-
печетын саваржым сирень
сөрастарен. Садвечыштетат
сылне. Сандене сеңызак!

Семон Славик Симан серы-
шыжлан сүретым сүретлен.
Садерысе сылне-сылне сире-
ным. Сима саде сүретшым
сайын сакален. Славикат сту-
денткын серышыжым сакла.

Анна ИВАНОВА.

Морко, Коркатово.

Микайын уныкаже

Республикысе йоча да самырык-влаклан В.Х.Колумб лўмеш книгагудышто эртаралтше «Мый йоратем родной элемым» почеламутым сылнын лудмо республикысе конкурсышто изирак ийготан-влак коклаште Драгояр Янаев (снимкыште) сенгышыш лектын. Тудо Медведово район Арбан школышто 2-шо классыште тунемеш. Диплом ден пөлекым налаш лекмекеже, зал гыч тыге ойлымым кольым: «Тудо Герасимов Микайын кугезе уныкаже». Чоным куан да кугешнымаш кумыл авалтыш. Конкурс деч вара мари рвезе дене лишкырак палыме лийна.

Лўмжат ойыртемалтше. Тудо мом ончыкта? Тыландат пален налаш онай, шонем. Тидын нерген рвезын аваже каласкалыш:

– Ачаже эн ончыч Белояр лўмым темлен, мый – Драгоным. Вара ик лўм гыч тўналтышыжым, весе гыч мучашыжым налынна да ушенна. Драгояр лўм лектын. «Драгоценный» да «ояр» манме лиеш.

Драгояр сылнымутлан изинек шўман. Ушышкыжо иктаж-могай онай шонымаш толешат, вигак кагазым

на леш да почеламутым в о з а . К о ч а ж е и с к у с - ствоведений доктор О.М.Герасимов төрлаш полша.

– Драгояр мари йылмым сайын пала. Пырля тунемме йолташыже-влак, рвезым ончен, порын көранат да тудын дене төр лияш тыршат, – мутланымашке ушныш туныктышыжо Л.А.Яндыганова.

Х.АЛЕКСАНДРОВА.



Авторын фотожо



«Конаков лудмаш»

Школыштына «Конаков лудмаш» республикысе конкурс визымше гана эртаралтын. Ме, 4-ше классыште тунемше-влак, тушко ушненна. Варвара Михайлова ден Лиза Китаева почеламутым рушла да марла сылнын лудыныт да икымше, кумшо верлам сенен налыныт. Сочиненийым рушла возымо тагасыште Антон Кучергин кумшо лийын, а Костя Шехурдин сертификат дене палемдалтын. Мый икымше туныктышем нерген сочиненийым марла возенам да икымше верыш лектынам. Туныктышына Татьяна Анатольевна тыгак конкурсышко ушнен. Тудо «Методике разработко» номинацийыште сенгышыш лектын. Мемнам снимкыште ужыда.

Ульяна ТАНЫГИНА.

Шернур, Кукнур.

Фотом школ архив гыч налме.

Сылнын лудына



Фотом йочасадын архивше гыч налме.

Пүртүсүм аралыме йодышлан Кожласоласе «Теремок» йочасадыште кугу тütкышым ойырена. Тыште республикысе инновационный площадке пашам ышта. Шукерте огыл пүртүс нерген почеламутым сылнын лудмо почеламутым эртаренна (снимкыште). Танасымашке 19 йоча ушнен. Кугурак ийготан-

влак коклаште София Матвеева Р.Кольцован «Куэ шортеш» почеламутшо дене икымше верым сенен налын. Матвей Никитин И.Осминын «Шочмо мланде» почеламутшо дене изирак-шамыч коклаште ойыртегалтын.

Р.КАШКОВА.

Звенигово район.

Вашлиймаш

У Торъял посёлкысо рүдö книгагудышто Пактек ялын шочшыжо, самырык поэтессе Татьяна Соловьёва дене вашлиймаш эртаралтын. Тушко Токтарсола школын тунемшыже-влакат миенна. Поэтессын ильш корныжым келгырак пален налынна. Тудо кум сборникын авторжо. Почеламутшо-влакым сылнын лудын, гитар почеш мурыжочамычым йонгалтарен. Ме Татьяна Анатольевна дене моткоч кугешнена.

Родион НЕБОГАТИКОВ.

У Торъял район.

Мүкшла пörдына

Мый кокымшо классыште тунемам. Туныктышына Лилия Григорьевна Лукьянова поро кумылан, шыма. Кажне урокышто тудым тütкын колыштам. Лилия Григорьевна мемнам шке шочшыжла йората. Урок жапыште гына огыл, перемен годымат йырже мүкшла пörдына. Тудо шочмо-кушмо верым йораташ, пүртүсүм аралаш изинек кумыланда.

Наина ПЕТУХОВА.

Кужэнгер, Шүдымарий.

Шүдыр

Кастене тылзе ончалеш,
Каваште тудо волгалтеш.
Ончал, окнаште шүдыр-влак
Мотор сүретым сүретлат.

Онай сүретым ончышаш
Да сылне тўрым шонышаш.
Шонен-шонен малаш возам,
Эрден кынелын сүретлем.

Аня АНДРЕЕВА.

Кужэнгер, Тошто Йўледўр.



Снимкыште Гавриил Александров ден Александра Богдановам ужда. Нуно пеш уста да чулым тунемше улыт. Сайын тунемыт, тўрлö мероприятийыште мастарлыкыштым ончыктат да сеньшыш лектыт. Ме нунын дене кугешнена.

О.ВАСИЛЬЕВАН фотожо.

Морко, Арын.

Мўндыр ковай

Чевер кечын Веню ден Вачи мўндыр ковашт деке эрдене эрак каяш тарванышт. Чарналтыште калык лын погынен.

Теве автобусат толын шуо. Рвезе-шамыч Йогор лўман шофёр дене саламлалтыч да эн тора луышко вераныч. Кудалме годым кумда пасум, ужар олыкым ончат, шке самынышт кутырен шыргыжыт. Кажне чарналтыште ятыр ег шинчеш. Ик яра верат кодын огыл, кочакова-влак пыкше шогат.

Трукышто Вачин чонжылан йондымын чучаш тўнале. Рвезе коважым шар-

налтыш. Тудо чўчкыдын туныктен ойлен: «Уныкам, кугуракым пагалаш, изиракым чаманаш кўлеш». «Э-э-э, шонгыенлан шогашыже йöсö, йолжат коршта, очыни. Палыдыме ег олмышто ковам лиш ыле гын...», – семынже шонкала Вачи.

– Кочай, шичса, изишак



каналтыза, – пелештыш рвезе.

– Уныкам, пеш кугу тау, таза ли-ий! – тудыжо таушта.

Окнашке ончен шинчыше Веню изажым йомдаренат, тышке-тушко ончыштеш.

– Изай, молан шогалынат?

– Кочай шоген ноен, тек каналта, – умылтара Вачи.

Изи Венюат изаж семын ыштыш. Кынеле, олмышкыжо ковам шындыш. Тыге изак-шоляк мўндыр ковашт деке весела кумылан миен шуыч. Арам огыл калыкыште ойлат: «Поро паша кумылым нёлта, вийым ешара».

Екатерина ШУЧИНА.

Шернур, Пўнчерйымал.



Палаш онай

Лум пырче

Лум пырче – тиде вүд чүчалгыш. Тудо пар семын күшкө чо-нештен күзен да йүштө температурлан көра пенгыдемын. Шошым, кенежым да шыжым тиде чүчалгыш йүр семын мландымбак велеш, а телым – лум пырче семын. Кажне лум пырчын куд йолжо уло. Икгай лум пырче уке. Тудо шуко тыгыде кристалл гыч шога. Мландымбак велмышт годым икте-весе дене ваш ушнат да түрлө форман лийыт.



Юзо пагыт

Вашке йочасадлаште У ий пай-ремым эртараш тўналыт. Йоча-влак почеламутым тунемыт: иктышт вашке шарнен кодыт, весышт нелылыкым шижыт. Тыгодым **мнемотехнике йөн** полшен кертеш. Мнемотехнике але мнемонике грек йылме гыч «шарнымаш сымыктыш» манын куса-ралтеш. Мнемотаблице ден схеме-влакым кучылтмаш икшывын йылмыжым лывырта, уш-акылжым пойдара. Шинча ончылно улшо план-схема-влакым йоча шуко жап шарнаш тўналеш. Мутлан, Шадт Булатын «Ёлка» почеламутшым лончылена.

Пөлек-влакым кочайна
Корзинга гыч пуэда.
Толын шуын У ийна,
Ёлка ямде тыланда.



Палыза, мо тиде тыгай!

Кыдыр-кудыр түрлеман
Кўшыч ... велеш шыман:
Шўргыш, кидыш тўкнылеш,
Лыве семынак коеш!



Теле луман –
кенежым шўльё томан.
Калык пале.



Адвент-календарь – иктаж-могай пайрем марте мыняр кече кодмым ончыктышо календарь. Тудым шке гыч ышташ лиеш. Кажне кечылан түрлө заданийым пуыман. Мутлан, У ий марте мыняр кече кодмым шотлымо годым теле нерген почеламутым лудаш, кожым сорастараш, туштывм тушт-таш але мурым мураш келшен толеш. Пөлекым пуаш лиеш.

Писылудыш

Елушын чапле ечыже,
Елушат ынде ечызе.



Теле гоч маска мала,
Мўй олмеш чапам нула.



Ечылан шўман ешна,
Ме чылан мунчалтена.

Фонарик-влакым

кожыш
сакалаш
полшыза.



Воспитатель дене пырля мут-влакым рушлашке кусарыза.

Лум пырче –
Лум луммаш –
Мамык лум –
Поран –



Теле сўрет

Йоча-влак кенежым пор дене асфальтыште сўретлат, а телым чия дене сўретлаш лиеш. Кузе? Тўрлө тўсан акварельным шулыктарыза, пластик кленчаш чиям пыш-тыза, петыртышеш рожлам шўткалыза. Лум ўмбалам тўрлө тўсан чия дене мотор сўретым келыштарыза.



Лаштыкым Медведево посёлкысо 6-шо номеран «Онгыр» йочам виангыше рўдерын кугурак воспитательже Ольга Валерьевна КАЗАНЦЕВА ямдылен.



Милана БОГДАНОВАН сүретше.

Медведево, Руэм.

Теле тылзын ик сылне кечынже тўналтыш класлаште тунемше-влак деке, Теле лийын, унала толынам (снимкыште). Лум пырчевлакым, Лум-удырым, Лум-ъеным пеленем налынам. Мемнам удыр-рвезешамыч пеш вученыт, мурым, куштымашым пӧлекленыт. Мыят яра кид дене миен омыл. Модышым эртаренам, туштым туштенам, тамле ий – чупа-чупс – дене сийленам. Шошо марте озаланаш товатленам.



Фотом школ архив гыч налме.

Советский, Солнечный.


Даша АПТИЕВА.

Кучен кертаат? Айста модына

Йоча-влак кок командылан шелалтыт, кок радам дене ваштарешла шогалыт. Радам коклаште 2 метр наре лийшаш, модшо-шамыч коклаште – 2 метр. Икымше радамыште шогышо йоча-влакын кидыштышт – лум моклака. Вудышын ойлымыж почеш икшыве лум моклакам кўшкӧ кудалта. Кокымшо радамыште шогышо йоча тиде лумым кучен шуктышаш. Кучымо кажне моклака – ик балл.



Мастар кид



Палаш онгай

Лум пырчевлак вудышкӧ логалмек, айдемылан колаш лийдыме пеш кўкшў йўкым луктыт.

Арктика ден курыкан районлаште кына але йошкар тўсан лум пырчымычўкыдынак ужаш лиеш. Тудым моткоч изи вудпорсын да микроорганализм-шамыч чиялтат.

Калык пале

- * Кече йошкарген шинчеш гын, эрлашыжым йўштӧ да ояр лиеш.
- * Йўштӧ вашеш тылзе ошо да чот волгалтеш.
- * Йўштылан ур пыжашыже гыч ок тарване.

М.ШКЕТАН ЛҮМЕШ МАРИЙ КУГЫЖАНЫШ ДРАМЕ ТЕАТР

29 / 12 | 18:00
30 / 12 | 16:00

ЭХ,
ШЕРЕМЕТ,
У ИЙ
ПАЙРЕМЕТ!
у ий концерт

78-13-78 6+

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз.
Заказ
Формат – А-48.

https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ:
Марий Эл Республикысе Тўвара,
печать да калык-влакын пашашт
шотышто министерстве.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыштыже регистрироватлыме. Номер – ПИ № ТУ52-01404, 2023 ий 22 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт тўрлӧ лийын кертыт. Серыш-влак мӧнгеш огыт колталт. Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пӧрт.
Тел. 8(8362) 45-22-82.

КОНКУРС



Ксения СИДОРКИНА
(Кужэнгер, Руш Шой) —
туныктышыжо Р.М.Георгиева
дене пырля.



Салават ЕГОРОВ (Морко,
Октябрьский) —
туныктышыжо
Р.К.Забродина дене пырля.



Александр СИДОРКИН
(У Торьял, Кўан Памаш) —
туныктышыжо А.Г.Таныгина
дене пырля.

Синквейн



Ур
Нарынче, изи.
Төрштылеш, кочкеш, шылеш.
Тельлан пүкшым пога.
Янлык.
Кирилл СУББОТИН.
Советский, Орша.
Авторын сүретше.

$\text{snowflake} + \text{snowflake} = 18$
 $\text{snowflake} \times \text{snowman} = 27$
 $\text{snowman} \times \text{cloud} = 24$
 $\text{snowflake} + \text{cloud} + \text{snowman} = ?$

Мыняр лектеш!

Винни-Пух
Пятачок дек
куржын толеш
да ойла:



- Мыйын моткоч сай шоньмаш шочын. Айда таче пайремым ыштена. Тый кугу-у тортым налат.
- А тый?
- А мый? А мый тый декет унала толам.

8 ойыртемым кычалза.



Максим числам шонен. Тушеч 740 кудалтен да лекше вашмутым 57 пачаш кугемден. Вашмутшо 40175 лийын. Максим могай числам шонен?



**Лумьенлан пөртшө
марте миен шуаш
полшыза.**

Интернетысе сүрет-влакым кучылтмо.